



Մ Ա Յ Ր Ա Թ Ո Ռ Ո Ւ Մ

Փետրվարի 5-ին Մայր Աթոռ Ս. Էջմիածին ժամանեցին էստոնական ՍՍՌ-ի վաստակավոր արտիստ խուզող կեպուստը (երգահոնահար) և Տալլինի կոնսերվատորիայի դոցենտ ժեննի Սիմոնը (երգչուհի՝ մեցցո-սոպրանո)։ Հյուրերը եղան Մայր Տաճարում, Վեհարանում, ծանոթացան Մայր Աթոռի թանգարանի հետ։

Հյուրերին ցույց տրվեց ջերմ ընդունելություն։



Փետրվարի 5-ին, շաբաթ, «Սրբոց Սարգսի զօրավարին և որդւոյ նորին Մարտիրոսին և շորեքսասան ղինուորացն» տոնի օրը, գերաշնորհ Տ. Սահակ սրբազանը, Երևանի Ս. Հովհաննես եկեղեցում սարկավազ ձեռնադրեց կիրովաբադ քաղաքի ընծայացու Կարապետ Դադարյանին։ Հաջորդ օրը, կիրակի, սրբազանը Կարապետ սարկավագին ձեռնադրեց քահանայ։



Փետրվարի 17-ին, «Սրբոց Վարդանանց զօրավարաց 1036 վկայից» տոնի օրը, Մայր Տաճարում մատուցվեց սուրբ պատարագ։ Պատարագին էր հոգեշնորհ Տ. Կոստանդին վարդապետը։ Գերաշնորհ Տ. Սահակ եպիսկոպոսի ավուր պատշաճի քարոզից հետո կատարվեց հոգեհանգիստ։



Փետրվարի 18-ին Մայր Աթոռ Ս. Էջմիածին ժամանեց Չինական Ժողովրդական Ռեսպուբլիկայի էներգետիկների պատգամավորությունը, որին ղվաւորում էր ՉԺՌ-ի վառելանյութերի արդյունաբերության մինիստրի տեղակալ Լյու Լան-բոն։ Պատգամավորության կազմի մեջ մտնում են 12 հոգի, որանց թվում՝ գլխավոր հիդրոէներգոշինի պետ Լի Ժուն, Արևելյան Չինաստանի հիդրոշինի

վարչության պետ Վան Սինը, Հյուսիս Արևելքի հիդրոշինի վարչության պետի տեղակալ Շան Սին-սյանը, նախագծային ինստիտուտի պետի տեղակալ Վան Լու-նանը և ուրիշներ։ Պատգամավորությանը Երևանից ուղևորվում էր Արտասահմանի հետ կոլլոտուրական կապի ընկերության աշխատակից Դ. Մովսիսյանը։ Պատգամավորությանը վանքի բաժնում դիմավորեցին գերաշնորհ Տ. Սահակ սրբազանը և հոգեշնորհ Տ. Կոստանդին վարդապետը։

Հյուրերը Մայր Տաճարի ավագ լուսարարի առաջնորդությամբ եղան Տաճարի ներսում, որ նրանց մանրամասն բացատրություններ տրվեցին Տաճարի շինության, ժամանակի, վերանորոգության և մանրանկարչության վերաբերյալ։ Հյուրերը եղան նաև Տաճարին կից եկեղեցա-հնագիտական թանգարանում, որ տեսան թանկարժեք սպասներ ու զգեստներ։

Մեկնելիս, հյուրերը իրենց շնորհակալությունները հայտնեցին սրբազան հոր և միաբանությանը՝ իրենց ցույց տրված ուշադիր վերաբերմունքի համար։



Փետրվարի 22-ին, Վրաստանի ինժեռ-առաջնորդ գերաշնորհ Տ. Վահան արքեպիսկոպոսի հանձնարարությամբ, գերաշնորհ Տ. Սահակ սրբազանը կիսասարկավազության աստիճան շնորհեց Թբիլիսիի Էջմիածնեցիներից Ս. Գևորգ եկեղեցու դպիր Ռուբեն Իլիսալյանին։



Փետրվարի 23-ին, Գերագույն Հոգևոր հորհրդի անդամ գերաշնորհ Տ. Վազգեն եպիսկոպոս Պալճյանը, որը գտնվում էր Ս. Էջմիածնում՝ մասնակցելու Գերագույն Հոգևոր հորհրդի նիստերին, մեկնեց իր պաշտոնավայրը՝ Ռումինիա։

